



საქართველოს სახალხო დამცველის აპარატი
Office of Public Defender of Georgia



1171-01-7-2-201701261723



N 01-7/1171

26/01/2017

საქართველოს შრომის, ჯანმრთელობისა და სოციალური დაცვის
მინისტრის მოადგილეს,

ქალბატონ ნინო ბერბულს

საქართველოს შრომის, ჯანმრთელობისა და სოციალური დაცვის სამინისტრო

№ 9224

30.01.2017

2

ქალბატონო ნინო,

საქართველოს კონსტიტუციით მინიჭებული უფლებამოსილების შესაბამისად, სახალხო დამცველი სწავლობს საქართველოს ტერიტორიაზე ადამიანის უფლებათა და თავისუფლებათა მდგომარეობას და რეაგირებს დარღვევის ფაქტებზე. სახალხო დამცველის საქმიანობის ერთ-ერთი მნიშვნელოვანი მიმართულება და პრიორიტეტი კონფლიქტის შედეგად დაზარალებული ადამიანების, კონკრეტულად კი ოკუპირებულ ტერიტორიაზე და გამყოფი ხაზის მიმდებარედ მცხოვრები მოქალაქეების უფლებრივი მდგომარეობის შესწავლა და მონიტორინგია.

„სახალხო დამცველის შესახებ“ საქართველოს ორგანული კანონის მე-12 მუხლით მონიჭებული უფლებამოსილების ფარგლებში, სახალხო დამცველი სწავლობს 2015 წლის 23 სექტემბერს ქ.გალში მომხდარი ავტოკატასტროფის შედეგად სამი ადამიანის სიცოცხლის მოსპობის შემთხვევას.

გავრცელებული ინფორმაციით, გალის ცენტრში, რუსთაველის ქუჩაზე, სასწრაფო დახმარების მანქანას, რომელსაც პაციენტი საავადმყოფოში გადაჰყავდა, მსუბუქი ავტომობილი შეეჯახა. ავარიის შედეგად დაიღუპა გალის ცენტრალური საავადმყოფოს მთავარი ექიმის მოადგილე, ექიმი ლია ჩხოტუა, ექთანი თეა ჭეღია და პაციენტი ნური ხასაია. მძიმედ დაშავდა პაციენტის თანმხლები პირი და სასწრაფო დახმარების მანქანის მძღოლი.¹ სახალხო დამცველის წარმომადგენლებთან საუბრისას, აღნიშნულ ინფორმაციას ადასტურებენ გარდაცვლილთა ნათესავები და გალში მომუშავე მედპერსონალი.

„საქართველოს სახალხო დამცველის შესახებ“ საქართველოს ორგანული კანონის მე-18 მუხლის „გ“ ქვეპუნქტების თანახმად, გთხოვთ, ამავე კანონით დადგენილ ვადაში გვაცნობოთ, აღმოჩინა თუ არა ფინანსური დახმარება სამსახურეობრივი მოვალეობის შესრულების დროს გარდაცვლილ გალის სასწრაფო დახმარების ცენტრის თანამშრომელთა ოჯახებს.

¹ „მძღოლი, რომელმაც გალში „სასწრაფოს“ მედპერსონალი და პაციენტი იმსხვერპლა, ქუთაისში მკურნალობს - საზარელი ავარიის დეტალები“, კვირის პალიტრა, 25.09.2015; „ავარია გალში - გარდაცვლილია 3 ადამიანი“ რადიო ათინათი, 23.09.2015; „გალში ავარიას ორი ექიმის და პაციენტის სიცოცხლე ემსხვერპლა“, news.ge.

პატივისცემით,

ნათია კაციტაძე

ნ. კაციტაძე

სახალხო დამცველის პირველი მოადგილე